

«П. И. Чайковскийлэн дор пальёсаз» фестивал

Шуд вордйське семьяын

Тодмо актёрлэн Сергей Горобченколэн улон шоры учконьёсыз

Удмуртиын ортчем «П. И. Чайковскийлэн дор пальёсаз» литература 3-тй фестивале вуылйз «Офицеры», «Бумер», «Братья Карамазовы», «Миннесота», «Склифосовский» киносын шудэм тодмо артист но крезьгурчи Сергей ГОРОБЧЕНКО.

— Сергей, кыче инты улонаны басьто книгаос?

— Верало туж огшоры — бадзым. Пичи дырысеным ик. Малы ке шуоно анаелэн но, атаелэн но выжыоссы туж лыдзиськисесь вал. Песятае Пётр Викторович Горобченко — кёня ке ожьёс пыр потэм фронтовик, офицер. Ми улймы Свердловск улосысь Североуральскын, та городын 3 библиотека вал. Песятае отысь вань книгаосты кёня ке пол лыдзйса потйз. Со мынам зэмос эше вал. Трос вераськыны өз яратылы ке но, войнабсь учырёссэ, пичи дырзэ мыным мадылыз. Улонысь кошкиз аслаз дано празниказ, 1992-тй арын 9-тй мае. Со туннэ но мынам сюлэмам, туспуктэмез но котьку сёбрам.

Песятае юрттйз мыным дунъяны тодон-валанлэсь кулэлыкэ но кыллэсь кужымзэ. Кыл — иньет, асьмеос сое ом уте, ом дунъялэ ке, нылпиосмылы ом сётэ ке (выжыкылъёс, кырзан-веранъёс, чеберлыко литература, мультфильмъёс пыр), сое туж чаляк кулэтэмен лыдъялозы но воштозы. Воштозы озы, асьмеос асьмеды тодмамьсь но гажамьсь дугдомы...

Анаелэн но выжыез лыдзиськисесь вал, сослэсь семьязэс Ленинградьсь Уралэ, Черёмухово черкогуртэ, ссылкае келяллям. Чужатае Александр Иванович Сафонов Инмарлы оскись адыми вал, зэмлыкез гажаз. Со быдэс гумырзэ валтйсь бухгалтер луыса ужаз. Куд-огъёсыз серем карыны выризы, сыче ужын тыршыса но, өз байкы шуыса. Но чужатай узырлык люкан понна өз улы. Соослэн доразы туж узыр библиотеказы вал.

— Тйляд 5 пиналды, кыче тй атай?

— Мон нылпиосылы матэ кариськыны тыршисько, атай сяна, эш мед луо



Сергей Горобченколэсь «Офицеры» кинось кырзанэз быдэстэмэз калык сылыса кылзйз.

Туспуктйз Борис ГОРБУНОВ

шуыса. Мон тодйсько, маин тунсыкъясько пиналъёсы. Калыкын шуо: анай, пе, нылпиосты сюлэм шунытэныз бинялтэ, нош атай уте. Мон шуысал, котькуд атай нылъёсызлы-пиосызлы валэктны но йыразы пычатыны кулэ на валтйсь куронъёсты: зэмлык, астэ но калыкез гажан, выжыдэ но кундэ дунъян, оскон, эсэпез валан. Пиналъёсын чөмгес вераськоно, кусып медаз ышы, мед юнмалоз. Со понна бадзым муртлэн саклыкэз но чиданэз луыны кулэ. Нылпиос адзэм каро асьмелэсь, соин ик нырысь ачид жеч атай но оскымон кузпал луыны тыршы.

Нылпиосты визьноданын жеч юрттэ литература. Бадзым пиеным но, солэн муминыз но (нырысетй кышноеным люкиськимы) кусыпъёсмь умоесь. Пиелы 25 арес, со кинорежисёр. Ужез лулчеберетэн герзаскемын бере, весь шуисько: «Тон жуч литератураен пычамын луыны кулэ, сотэк жуч пуштросэд, иньетэд уз луы». Книгаосын огшоры тодон-валан гинэ өвёл ук, отчы пыртэмын дауръёсын люкам калык визьбур. Асьме литература туж умой усътэ пуш дуннелэсь узырлыкэс. Сое лыдзёно гинэ.

— Тй Инмарлы оскись-коды-а?

— Осконтэк, яратонтэк сямен ик, улыны уг луы. Странама 70 ар чидаз — Инмарлы вёсяськыны өз лэзе — атеизм вакытёс

вал. Но пересъёсмь утыны быгатйзы православной осконэз. Чужатае кулон азяз мыным кузьмаз ас кыныз переписать карем Виль Заветэз.

Песянае но Инмарлы оскылз. Пичи дыръям ай, коркась потыкум, шуэ вал: «Возьматы ай, кытын солдатлэн кизилиез, нош кытын еез, кытын бур погонэз, табере — паллянэз?» Мыным со шудон выллем потылыз, нош песянай озы монэ кирос карытэ вылэм. Асьмелэн пересъёсмь утизы осконзэс перестройка вакытэ, кунмы куашкан арьёсы. Инмарлы тау, пуштыгьям храмъёс интые виль черкъёс жутйськызы, службаос мыно. Али өвёл ни кышкан оскон понна. Калык вормиз Быдзым ожын, пазыгиз нацизмез, утиз православной осконэз — асьмеос шудо адымиос.

— Котькуд адымилэн шудо луэмез потэ...

— Шуд вордйське семьяын. Семья — со яратон, семья — со уж. Чапак воргорон кыл кутэ кышномурт, нылпиос но семья понна.

Мынам кыкетй семьяе, таиныз кузпалэным 15 ар чёш ини. Та семьям туж валаса пыри ни. Мон тодйсько: кышномурт но пиосмурт вискин калгон, пёяскон но кышкан луиз ке, яратон отысь пегёоз. Семья возиське чылкытлык бордын. Яратон мед улос шуыса, калгоно өвёл. Тон астэ 50 дусымлы кузьмад ке, тынад сюлэмыд

но сомьнда пырыослы ик люкиськоз, бёрысь сое огинэ бичамед уз луы ни. Али сомьнда кырсьез кысьтйське телевизорьсь, малы искусство (передачаосын, кинофильмъёсын) пыр возьматонтэм семьяез но жеч адыми кусыпъёсты. Семья — со иньет. Со тонэ вёлэ, лусъе, волятэ. Семьяын адыми жечгес, чидасьгес но шудогес луэ.

— Ойдолэ сцена сярись вераськом. Тй рольдэс шудйськоды яке «ульсь-коды»?

— Школаын дышетскыкум, шөдй, сцена бордаз кыске шуыса. Йылпумъяй крезьгурья школаез, собере — Ленинградьсь театръя, крезьгурья но кинематография кун институтэз (ЛГИТМиК). Ужай Санкт-Петербургысь Н. П. Акимов нимо комедия театрын. Бёрысь монэ ёгизы Москвась «Ленкомэ». Мар ватонэз, дано усточиосын артэ ужаны бадзым шумпотон но школа вал. Мон татын артист сямен будй но кыдай — Николай Караченцов, Олег Янковский, Александр Абдулов кадъ артистъёсын артэ. Али но «ленкомъёсын» кусып возисько, эшъяськисько. Но киноын тросгес ужаны кутскеменым валче мон театрысь куриськи.

Рольёс сярись ке, мон яратйсько но валаны тыршисько котькуд геройме. Мыным кельше соин тодматскыны. Шумпотйсько сцена вылын но, киноын но шудыны. Мон 22 арескам

валай ини пушкам актёр улэ шуыса, та мынам Инмарен сётэм устольке. Таёе кузьмез утёно, азинтоно. Но туж умой валай мукетсэ но: шудоно сцена вылын яке киноын гинэ. Нош улонын шудыны уг яра.

— Мыным туж кельшиз «Офицеры» но «Доктор Живаго» сериальёсын шудэмды.

— Учкисьёс та фильмёсты туж умой пумитазы, отын трос тодмо артистъёс шудйзы, ужаны тунсыко вал. Соос бордысен кутскиз кинотворчествое. Сериальёс 2006-тй арын потйзы. 2003-тй арын мынам нырысетй семьяе куашказ. Валай: мон жеч кузпал но, атай но выльськымтэ. Берлань но берытскеме өз поты, азылань но вамышъяны мылкыды ой вал, малы ке шуоно возыт потылыз. Пиелы 5 арес вал. Соны шуи: «Асьмеос та секыт вакытэз чидалом. Анайдэ эн курла». Пие монэ валаз, угось нылпиосын бадзымъёсын кадъ вераськоно, соос куддыр асьмелэсь визьмоесьгес. Со секыт вакытёсты вормыны юрттйзы пие но кино. 5 ар пала мон тырши аскекия кутыны, малпаскыны азылань улонэ сярись, пиеным жеч кусыпъёсмес утыны... Ваньмыз пёрмиз ужын но, дыр ортчыса, семьяе но кылдйз.

Мон улон шоры учкисько актёрлэн синмыныз. Киноысь аске учкыны туж ик уг яратйськы, ваньмыз лэсьтэмын ни ук, уд вошты. Со театрлэн сценаез өвёл — отын спектакльы быдэ виль сямен шудыны луэ. Собере дыр но жаль. Куддыр гинэ учкыса потйсько, сьёмкаосын валантэм интыосыз кылдо ке, янгышъёс медам лэсьты шуыса. Малпасько, котькуд адыми сюлмызлы матысь удысэн вырыны кулэ. Соку гинэ ужд шумпотон но, вормонъёс но ваёз. Улон туж вакчи, соин ик тыршись, адымиосты но зэмлыкез гажась луыны турттоно. Янгышъёслэсь кышкано өвёл, соос кыдато гинэ. Котькуд нунал малпаськоно но валанно: кин тон, малы лыктйд та югыт дунне вылэ, мар жечэ лэсьтыны быгатйськод семьяедлы но калыкедлы.